

于宜承天命奉新室之制當還白單于知己無可奈何

又多得賂遺即遣弟右賢王與奉馬牛隨將率入謝因

上書求故印將率還到左犁汗王咸所居地見烏桓民

多以問咸咸具言狀師古曰謂前驅略得婦將率曰前

封四條不得受烏桓降者亟還之師古曰亟急也音居力反咸曰請

密與單于相聞得語歸之單于使咸報曰當從塞內還

之邪從塞外還之邪將率不敢顛決以聞詔報從塞外

還之宋祁曰單于始用夏侯藩求地有距漢語後以

求稅烏桓不得因寇略其人民釁由是生重以印文改

易師古曰重音直用反故怨恨迺遣右大且渠蒲呼盧訾等十餘

乾隆四年校刊